

## MISSINGIUT UUNGA

### **Silaannakkut angallannermut isumannaallisaanerup (security)<sup>1</sup> iluani inunnik atuuffeqartunik annertusisamik tunuliaqutaannik nakkutilliineq aamma isumannaallisaanerup akuersissutigineqartarnerat pillugit Kalaallit Nunaannut nalunaarut**

Silaannakkut angallanneq pillugu inatsimmi § 70, § 70 a, imm. 2, § 149, imm. 10, aamma § 153, imm. 1 malillugit tak. inatsimmut nalunaarut nr. 1149, 13. oktober 2017-imeersoq, Kalaallit Nunaannut inatsisut aamma kunngip peqqussutaatigut atuutsinneqalersoq, tak. inatsimmut nalunaarut nr. 408 af 11. september 1985-imeersoq, taanna kingullermik peqqussummi nr. 2628 af 28. december 2021-mi allanngortinneqartoq, Trafikstyrelsenip suliaassai aamma piginnaatitaaneri, naammagittaalliorsinnaatitaaneq aamma Trafikstyrelsenip silaannakkut angallanneq pillugu suliaasaqarfimmi maleruaqqusaasa ilaannik Kalaallit Nunaannut nalunaarummi nr. xx, § xx piginnaatitsineq malillugu aalajangersarneqarpoq:

#### Kapitali 1

##### *Atuuffia aamma nassuiaatit il.il.*

**§ 1.** Nalunaarut una annertusisamik tunuliaqutanik nakkutilliineq aamma isumannaallisaanerup akuersissuteqartarnerup pillugit aalajangersakkanik aalajangersaavoq. Nalunaarut inunnut atuuffilinnut, silaannakkut angallannerup isumannaallisaanerup (security) iluani isersinnaatitaasunut imaluunniit pisinnaatitaaffilinnut atuuppoq, tak. § 4, imm. 1, aamma § 17, imm. 1 aamma 2.

*Imm. 2.* Nalunaarut Kalaallit Nunaanni mittarfinnit imaluunniit mittarfinnut timmisartornernut atuuppoq, soorlu

- 1) EU-mit imaluunniit EU-mut timmisartornernut isumannaallisaanerup najoqqutassanik, inuunnaat silaannakkut angallannerannut isumannaallisaaneq pillugu ataatsimoorussanik tunngaviusunik imminnut naligiittuttut EU-mit akuerineqarsimasunik malinnittunut, imaluunniit
- 2) nunanut tamalaanut allanut timmisartornernut atorpeqassaaq.

**§ 2.** Nalunaarummi uani allassimasoq "peqqussut", ima paasineqassaaq Silaannakkut angallannerup isumannaallisaanerup tunngaviusunik najoqqutassanik, immikkuualuttortai ilanngullugit, ataatsimoorussanik naammassinninnissamut sulissutiginninnerit pillugit Kommissionip atortuulersitsinerup peqqussutaa (EU) 2015/1998, 15. november 2015-imeersoq.

*Imm. 2.* Kalaallit Nunaanni taamaallaat annertusisamik tunuliaqutanik nakkutilliineq atorpeqartarpoq, tak. pkt. 11.1.3. peqqussummut ilanngussami.

---

<sup>1</sup> Nalunaarutip, Silaannakkut angallannerup isumannaallisaanerup tunngaviusunik najoqqutassanik, immikkuualuttortai ilanngullugit, ataatsimoorussanik naammassinninnissamut sulissutiginninnerit pillugit Kommissionip atortuulersitsinerup peqqussutaa (EU) 2015/1998, 15. november 2015-imeersumi aalajangersakkat naammaqqusersorpai. (EU-Tidende 2015, nr. L 72, qupp. 53). Europami Unionip atuuffiani periuseq pillugu isumaqatigiisummi artikel 288 malillugu naalagaafinnut ilaasortanut tamanut peqqussut atuuttarpoq.

*Imm. 3.* Nalunaarummi uani allassimasoq "ID-mik aamma CV-mik nakkutilliineq", ima paasineqassaaq inuup kinaassusaanik uppersaatait tunngavigalugit uppersaaneq, aamma inuup suliffeqarnera, ilinniagaqarsimanera aamma ikinnerpaamik ukiuni tallimani kingullerni unitsitsigallarsimasinnaanera ilanngullugit nakkutilliineq", tak. § 3, nr. 1 aamma 3.

*Imm. 4.* Nalunaarummi § 1, imm. 2-mi immikkoortiterineq, inuinnarnik silaannakkut angallassisarneq (GASP) pillugu kalaallit isumannaallisaanermut iliuusissanni malittarisassanik malinnittumut immikkoortiterinermut innersuussivoq.

## Kapitali 2

### *Annertusisamik tunuliaqutanik nakkutilliineq*

**§ 3.** Annertusisamik tunuliaqutanik nakkutilliineq ima siunertaqarpoq:

- 1) inuup kinaassusaanik uppersaatait tunngavigalugit aalajangiissaaq,
- 2) ikinnerpaamik ukiuni tallimani ingerlareersuni inuup nunanit najugaqarfigisimasaanit tamanit pinerluutit nalunaarsorneqarfii ilanngunneqassapput,
- 3) ikinnerpaamik ukiuni tallimani ingerlareersuni inuup suliffigisimasai, ilinniagaqarsimanera aamma unitsitsigallarsimasinnaanera ilanngunneqassapput aamma
- 4) tusarliussat aamma nunap iluani oqartussat piginnaasallit paasissutissat allat attuumassutillit pigisai, aamma taakku naliliinerat malillugu inuup atuuffimmi sulisinnaanermut piukkunnassusaanut attuumassuteqarsinnaasut annertusisamik tunuliaqutanik nakkutilliiffigineqarnissaanut pisariaqartinneqartut ilanngunneqassapput.

### *Inuit piumasaqaatit aalajangersimasut malillugit pineqartut*

**§ 4.** Inuit tulluuttut naammaginartumik inerneqartumik annertusisamik tunuliaqutanik nakkutilliiffigineqassapput:

- 1) Inuit, isumannaallisaanermik-illersukkami sumiiffimmi, misissuineramik, isersinnaatitaaneq pillugu nakkutilliineramik imaluunniit allanik isumannaallisaanermut nakkutilliineramik ingerlatsisussatut imaluunniit akisussaasutut atorfinitsinneqartut.
- 2) Inuit, isumannaallisaanermik-illersugaangitsumi sumiiffimmi, misissuineramik, isersinnaatitaaneq pillugu nakkutilliineramik imaluunniit allanik isumannaallisaanermut nakkutilliineramik ingerlatsisussatut imaluunniit akisussaasutut atorfinitsinneqartut.
- 3) Inuit, ingjallorteqaratik nassiussanut timmisartukkoortitassanut nassiussisarfinnut aamma allakkanik timmisartukkoortitassanut nassiussisarfinnut isersinnaatitaasut, timmisartortitseqatigiitt allagarsiaateqarfiinut aamma atortussaateqarfiinut ingjallorteqaratik isersinnaatitaasut, timmisartornerni atugassanik pilersuineranut pissamaateqarfinnut aamma mittarfiit pisiortorfiisa tunniussisarfiannut ingjallorteqaratik isersinnaatitaasut pillugit piumasarineqartutut isumannaallisaanermut nakkutilliiffigineqassapput.
- 4) Inuit ingerlatsineranut pisortatut pisinnaatitaaffillit imaluunniit nakkutigineqanngitsumik aamma immikkut ittumik aarlerinaatilinnik paasissutissiineranut- aamma attaveqaqatigiinnermut teknologiimut aaqquussuussanut aamma paasissutissanut, inuinnarnik silaannakkut angallassisarnermut isumannaallisaanermut atorneqartartunut killeqanngitsumik isersinnaatitaasut, taakku punkt 1.7.1.-imi peqqussummut ilanngussami pineqartut,

inuinnarnik silaannakkut angallassisarneq pillugu nunami namminermit isumannaallisaanermut programmi naapertorlugu, imaluunniit allatut peqqussummut ilanngussami punkt 1.7.3. malillugu navianaatilinnik nalilersuinermit suussusilerneqarsimasut.

5) Inuk kinaluunniit, mittarfimmi-kinaassutsimut-allagartamik atulersinneqarsimasumik tunineqartussa.

6) Inuk kinaluunniit, timmisartumi-inuttamut-kinaassutsimik-allagartamik atulersinneqarsimasumik tunineqartussa.

*Sulisitsisup / mittarfiup / timmisartortitseqatigiitakisussaaffia*

**§ 5.** Sulisitsisup, mittarfiup imaluunniit timmisartortitseqatigiitinnit, atuffinnik suliaqartussaasut imaluunniit isersinnaasut imaluunniit ingerlatsinermut pisortatut pisinnaatitaaffiliit, § 4, imm. 1, nr. 1-4-mi allassimasutut, annertusisamik tunuliaqutanik, naammaginantumik inerneqartumik, nakkutilliiffiqarsimanissaat akisussaaffigaa, tak. § 3, tamanna pissaq inuit pineqartut atuuffiminnik suliaqalersinnagit imaluunniit atuuffinnut ilinniagaqarnermik aallartitsinnagit imaluunniit isersinnaatitaannginnerini imaluunniit ingerlatsinermut pisortatut pisinnaatitaaffeqalersinnagit. Sulisitsisoq, mittarfik imaluunniit timmisartortitseqatigiit annertusisamik tunuliaqutanik inuit pineqartut pillugit ID-mik aamma CV-mik nakkutilliiffiqarnissaannut akisussaasuvoq.

*Imm. 2.* Inuit, mittarfimmut-kinaassutsimiut-allagartamik atulersinneqartumik tunineqartussat, tak. § 4, imm. 1, nr. 5, imaluunniit § 15, imm. 1, pillugit mittarfik akisussaasuvoq, aamma piffissami tassani atuffinnik suliaqartussatut imaluunniit isersinnaasutut imaluunniit ingerlatsinermut pisortatut pisinnaatitaaffeqartutut peqatigitillugu atorfinitsinneqartussaangitsut, § 4, imm. 1, nr. 1-4-mi allassimasutut, annertusisamik tunuliaqutaannik, naammaginantumik inerneqartumik, nakkutilliiffiqarsimanissaannut akisussaasuulluni, tak. § 3, inuit pineqartut mittarfimmi-kinaassutsimut-allagartamik tunineqartinnagit. Mittarfik annertusisamik tunuliaqutanik nakkutilliinermut, inuit pineqartut pillugit ID-mik aamma CV-mik nakkutilliinissamut akisussaasuvoq, taamaattorli tak. imm. 5.

*Imm. 3.* Inuit timmisartumi-inuttamut-kinaassutsimik-allagartamik atulersinneqartumik tunineqartussat annertusisamik tunuliaqutanik, naammaginantumik inerneqartumik, nakkutilliiffiqarnissaannut timmisartortitseqatigiit akisussaasuvoq, § 4, imm. 1, nr. 6-imi imaluunniit § 15, imm. 1-imi allassimasoq malillugu, tak. § 3, allassimasoq malillugu, inuit pineqartut timmisartumi-inuttamut-kinaassutsimik-allagartamik tunineqannginneranni. Timmisartortitseqatigiit annertusisamik tunuliaqutanik nakkutilliinermut akisussaasuvoq, tassunga ilaapput inuit pineqartut pillugit ID-mik aamma CV-mik nakkutilliineq.

*Imm. 4.* Sulisitsisup, mittarfiup imaluunniit timmisartortitseqatigiitinnit annertusisamik tunuliaqutaannik nakkutilliinermik, ID-mik aamma CV-mik nakkutilliineq ilanngullugu suliassamik allamut suliassanngortitsippat, taava sulisitsisoq, mittarfik imaluunniit timmisartortitseqatigiit, ID-mik aamma CV-mik nakkutilliinermik suliassamik ingerlatsisussap pitsaassutsimik nakkutilliiffiqarnissaannik ingerlatsissaaq. Taamaattorli pitsaassutsimik nakkutilliineq ingerlanneqassanngilaq, ID-mik aamma CV-mik nakkutilliineq pisortat oqartussaqaarfiinit imaluunniit Naviairimit ingerlanneqartarpat, tak. imm. 5.

*Imm. 5.* Inunnut pisortat oqartussaqaarfinni imaluunniit Naviairimi atorfeqarnerminnut atatillugu mittarfimmi-kinaassutsimut-allagartamik tunineqassappata, pisortani oqartussat imaluunniit Naviairip annertusisamik tunuliaqutanik nakkutilliinerit akisussaaffigissavaat, tassunga ilaallutik inuit pineqartut pillugit ID-mik aamma CV-mik nakkutilliineq.

**§ 6.** Inunnut Kalaallit Nunaata avataani najugaqartunut annertusisamik tunuliaqutanik nakkutilliinerup ingerlateqqinneqaqqinnissaanut sulisitsisoq, mittarfik imaluunniit timmisartortitseqatigiit akisussaasuvoq, tak. § 9 aamma § 15, imm. 1.

**§ 7.** Sulisitsisoq imaluunniit mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik, annertusisamik tunuliaqutanik nakkutilliiffigineqarsimasunut inunnut tunniussisoq § 14, imm. 1 malillugu, politiinut inuk annertusisamik tunuliaqutanik nakkutilliiffigineqarsimasoq atuuffimmini suliunnaarsimappat, sulinnaarnerlu tunuliaqutamik nakkutilliinissamik pisariaqartitsilersimappat, politiinut nalunaaruteqassaaq. Nalunaarut qaammatip tulliaata naannginnerani kingusinnerpaamik tunniunneqarsimassaaq.

*Imm. 2.* Sulisitsisoq, inuit annertusisamik tunuliaqutanik naammaginartumik inerneqartumik nakkutilliiffigineqarunnaarsimasut, tak. § 14, imm. 2, imaluunniit § 18, imm. 1, atuuffinnik ingerlataqarunnaarnissaannut imaluunniit isersinnaatitaajunnaarnissaannut, § 4, imm. 1-imi allassimasutut akisussaasuvoq.

*Imm. 3.* Mittarfik, inuit annertusisamik tunuliaqutanik naammaginartumik inerneqartumik nakkutilliiffigineqarunnaarsimasunut mittarfimmi-kinaassutsimut-allagartamik arsaarinninnissamut akisussaasuvoq, aamma timmisartortitseqatigiit timmisartumi-inuttamut-kinaassutsimik-allagartamik arsaarinninnissamut akisussaasuvoq, tak. § 14, imm. 2, imaluunniit § 18, imm. 1.

*Pinerluutit nalunaarsorneqarfiini paasisutissat il.il. pillugit annertusisamik tunuliaqutanik nakkutilliinissamut qinnuteqarneq*

**§ 8.** Pinerluutit nalunaarsorneqarfiini paasisutissanik aamma paasisutissanik allanik naleqquttunik annertusisamik tunuliaqutanik nakkutilliinissaq pillugu qinnuteqaat sulisitsisumit, mittarfimmit imaluunniit timmisartortitseqatigiitmit politiinut tunniunneqassaaq.

*Imm. 2.* Immersugassaq politiinut tunniunneqartussaqaq atorlugu qinnuteqaat elektroniskimik nassiunneqassaaq.

*Imm. 3.* Qinnuteqaat tunniunneqartinnagu, sulisitsisup, mittarfiup imaluunniit timmisartortitseqatigiitID-mik aamma CV-mik nakkutilliineq naammaginartumik inerneqartumik ingerlassimassavaa.

*Annertusisamik tunuliaqutanik nakkutilliinermik uteqqiineq*

**§ 9.** Inuit, § 4, imm. 1-mi allassimasutut atuuffinnik suliaqartussatut atorfinitsinneqarsimasut imaluunniit isersinnaatitaasut imaluunniit mittarfinnut- imaluunniit timmisartumi-inuttamut-kinaassutsimik-allagartallit annertusisamik tunuliaqutanik naammaginartumik inerneqartumik ingerlaavartumik nakkutilliiffigineqartassapput.

*Imm. 2.* § 14, imm. 1 malillugu, tak. 4, annertusisamik tunuliaqutanik naammaginartumik inerneqartumik nakkutilliifneq, piffissami akulikitsumik ingerlanneqaqqittassaaq, qaammatit 12-it qaangiutsinnagit.

*Imm. 3.* Imm. 2 malillugu qinnuteqaat, inuk annertusisamik tunuliaqutanik naammaginartumik inernilimmik misissuiffigineqarsimasoq pillugu kingullermik § 14 malillugu aalajangiinermiit qaammatit 12-it qaangiutsinnagit sapaatip akunneri 8-t sioqqullugit politiinut tunniusseqassaaq.

*Imm. 4.* Aalajangiinnermit kingullermit qaammatit 12-it qaangiutsinnagit 14, imm. 1 malillugu inuk annertusisamik tunuliaqutanik naammaginatsumik inernilimmik sulilu atuuttumik misissuiffigineqarsimasoq aalajangiisoqarsimangippat, taava aalajangigaq siulleg nammineq atorunnaassaaq.

*Imm. 5.* ID-mik aamma CV-mik nakkutillineq, tak. § 3, nr. 1 aamma 3, piffissami akulikitsumik, qaammatit 12-it qaangiutsinnagit ingerlanneqaqqittassaaq.

### *Politiit suliamik suliarinnittarnerat*

**§ 10.** Ikinnerpaamik ukiuni kingullerni tallimani nunanit najugaqarfigisimasanit tamani pinerluutit nalunaarsorneqarfiinit paasissutissat pissarsiarinissaannut taakkuninngalu nakkutilliinissamat politiit akisussaasuupput, annertusisamik tunuliaqutanik nakkutilliinermik suliaqarnermut atatillugu.

*Imm. 2.* Ikinnerpaamik ukiuni tallimani kingullerni nunanit najugaqarfigisimasanit tamani pinerluutit nalunaarsorneqarfiinit paasissutissat pissarsiarinissaannut taakkuninngalu nakkutilliinissamat politiit periarfissaqanngikkunik, taava politiit inummut tassunga nalunaaruteqassaaq, taannalu tamatuma kingorna nammineq nunanit najugaqarfigisimasaminit pineqartunit pinerluutit nalunaarsorneqarfiinit paasissutissanik pissarsiniarsinnaavoq saqqummiussillunilu.

*Imm. 3.* Inuup nammineq nunanit najugaqarfigisimasaminit allanit pinerluutit nalunaarsorneqarfiinit paasissutissanik pissarsiarisimasaanik, tak. imm. 2. politiit paasissutissat uppernarnerannik nalilersuissapput.

*Imm. 4.* Nunanit najugaqarfigisimasanit tamani pinerluutit nalunaarsorneqarfiinit paasissutissanik politiit imaluunniit qinnuteqartoq nammineq pissarsiniarnissamat periarfissaqanngippata, tak. imm. 1 aamma 2, imaluunniit qinnuteqartumit nammineq paasissutissat pissarsiarineqarsimasut uppernassuseqanngitsutut nalilerneqarpata, tak. imm. 3, taava inuk annertusisamik tunuliaqutanik naammaginatsumik inerneqartumik nakkutilliiffigineqarsinnaanngilaq.

**§ 11.** Politiit tusarliussanik aamma allanik paasissutissanik attuumassutilinnik politiinit pigineqartunik, aamma namminneq naliliinertik malillugu inuup atuuffimmi sulisinnaaneranut annertusisamik tunuliaqutanik nakkutilliiffigineqarnissamik pisariaqartitsiffiusumi nakkutilliinissamat akisussaasuupput.

**§ 12.** Politiit inatsisinik unioqqutitsinernik aamma peqqarniisaarniarlutik iliuuseqarnernik tamani, peqqussummut ilanngussami punkt 11.0.9-imi innersuutigineqartunik naliliisoqarnissaanut akisussaasuupput. Politiit tamatumunnga ilanngullugu paasissavaat, ilumut inuk nalunaarsuiffimmi allanneqarsimasunik, peqqussummut ilanngussami punkt 11.0.9, litra b-mi innersuutigineqartunik, peqqarniisaarniarluni iliuuseqarsimalluni pineqaatissinneqarsimansoq, tassami inatsimmik unioqqutitsinerit taakku, pinerluutit, inuup, tak. § 14 annertusisamik tunuliaqutaanik naammaginatsumik inerneqartumik nakkutilliiffigineqarsinnaajunnaarnerannut tungaavittut isigineqassammata.

**§ 13.** Politiit §§ 10-12-imi allassimasutut inunnut annertusisamik tunuliaqutanik nakkutilliiffigineqartussanut, tak. § 3, aamma Kalaallit Nunaanni najugaqartunut akisussaasuupput.

**§ 14.** Midt- og Vestjyllandimi Politidirektørip paasissutissat tunngavigalugit aalajangiissaaq, tak. §§ 10-12, inuk annertusisamik tunuliaqutanik, naammaginartumik inerneqartumik, § 3, nr. 2 aamma 4 malillugit nakkutilliffigineqarsimanersoq.

*Imm. 2.* Midt- og Vestjyllandimi Politidirektørip aalajangiineq atorunnaarsissinnaavaa, tak. imm. 1, Midt- aamma Vestjyllandip Politiivisa paasissutissat, inuup annertusisamik tunuliaqutanik naammaginartumik inerneqartumik nakkutilliffigineqarsinnaajunnaarneranik kinguneqartut, tiguppagit.

*Imm. 3.* Politiit imm. 1 imaluunniit 2 malillugu aalajangiinerup inernera pillugu sulisitsisoq, mittarfik imaluunniit timmisartortitseqatigiit ilisimatissavai.

### Kapitali 3

#### *Naalagaaffimmi EU-mut ilaasortaami imaluunniit nunami-EFTA-mut ilaasortami annertusisamik tunuliaqutanik nakkutilliineq*

**§ 15.** Inuk, Naalagaaffimmi EU-mut ilaasortami kiisalu nunami EFTA-mut ilaasortami najugaqarpat, aamma nunami najugaqarfimmini naammaginartumik inerneqartumik annertusisamik tunuliaqutanik nakkutilliffigineqarsimappat, taanna annertusisamik tunuliaqutanik nakkutilliisimaneq tunngavigalugu mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik tunineqarsinnaavoq.

*Imm. 2.* Mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik imm. 1 malillugu tunniussisoqannginnermi, annertusisamik tunuliaqutanik nakkutilliisarnermut naalagaaffimmi pineqartumi peqqussut malillugu akisussaalluni oqartussap uppernarsassavaa

1) pinerluutit nalunaarsorneqarfiini paasissutissat kiisalu tusarliussat aamma paasissutissat allat attuumassutillit pillugit misissuisoqarsimasoq, peqqussummut ilanngussami pkt. 11.1.3, litra b aamma d malillugit,

2) peqqussummut ilanngussami pkt. 11.0.9 malillugu isumaliutersuuteqartoqarsimasoq

3) peqqussummut ilanngussami pkt. 11.1.3, litra b aamma d malillugit paasissutissat allat pillugit annertusisamik tunuliaqutanik naammaginartumik inerneqartumik nakkutillisoqarsimasoq.

*Imm. 3.* Naalagaaffimmi pineqartumi oqartussaq peqqussut malillugu annertusisamik tunuliaqutanik nakkutilliinermik akisussaalluni suliaqartussaq aammattaaq annertusisamik tunuliaqutanik nakkutilliinerup atuunneranut piffissaq ilisimatitsissutigissavaa, nakkutilliineq akulikitsumik ingerlanneqaqqittarpat, tak. peqqussummut ilanngussami pkt. 11.1.7, litra b. Tassunga taarsiullugu naalagaaffiup pineqartupq ingerlaavartumik nakkutilliinermut periaaseq atortaraa paasissutissiissutigineqassaaq, tak. peqqussummut ilanngussami pkt. 11.1.7, litra a.

**§ 16.** Nunami najugaqarfigisami annertusisamik tunuliaqutanik nakkutilliineq ingerlanneqarsimasoq tunuliaqutaralugu mittarfimmi-kinaassutsimut-allagartamik imaluunniit timmisartumi-inuttamut-kinaassutsimik-allagartamik qinnuteqartoqarpat, tak. § 15, taava tamanna qinnuteqarnermi paasissutissiissutigineqassaaq, aamma tamatumunnga immersugassaq immikkut ittoq politiinit tunniunneqartussaq atorineqassalluni.

*Imm. 2.* Politiit § 15, imm. 2 aamma 3 malillugit nunami najugaqarfigisami oqartussamit qinnuteqartumit innersuunneqartumit paasissutissat pissarsiariniassavaat.

*Imm. 3.* Paasissutissat pissarsiarineqarsimasut takutippassuk, tak. imm. 2, annertusisamik tunuliaqutanik nakkutilliineq ingerlanneqarsimasoq, taava pinerluutit nalunaarsorneqarfiinik - aamma isertortukkut paasiniaasartunit paasissutissat pillugit annertusisamik tunuliaqutanik naammaginartumik inerneqartumik nakkutilliineq ingerlanneqarsimasoq politiit nalunaarutigissavaat.

*Imm. 4.* Nunamit najugaqarfigisamit akisussaalluni oqartussap annertusisamik tunuliaqutanik nakkutilliineq ukiut tamaasa ingerlanneqaqqittartoq ilisimatitsissutigippagu, taava Kalaallit Nunaanni atuunneranut piffissaritaasoq, nunani allani annertusisamik tunuliaqutanik nakkutilliinermut piffissaritasumut atuuttumut assingulersillugu killilerneqassaaq, tamatumalu kingorna nutaamik qinnuteqartoqaqqittoqassalluni.

*Imm. 5.* Nunamit najugaqarfigisamit akisussaalluni oqartussaq paasititsippat, ingerlaavartumik nakkutillinermut aqqissuussineq atorineqartoq, taava Kalaallit Nunaanni qaammatit 12-it atuunneranut piffissaliunneqassapput. Tamatuma kingorna nutaamik annertusisamik tunuliaqutanik nakkutilliisoqarnissaanik qinnuteqartoqartassaaq.

#### Kapitali 4

##### *Isumannaallisaanermut akuersissut*

##### *Inuit pineqartut*

**§ 17.** Naak § 4, imm. 1-imi aalajangersagaqaraluartoq, inuit atuuffinnik tulliuttunik suliaqartussat atorfinitsinneqarsimasut, paasissutissanik ISERTUKKATUT immikkoortiteriffiqarsimasut pillugit suliarinnissinnaanissartik pillugu isumannaallisaanermut akuerineqassapput:

- 1) Inuit, ilaasunik imaluunniit nassatanik tigungmiaannarissanik isumannaallisaanermut nakkutilliisut.
- 2) Inuit, inunnik ilaasuunngitsunik allanik aamma taakku nassataannik, isumannaallisaanikkut-illersugaasumut sumiiffimmut aqqusaaraangata misissuisartut.
- 3) Inuit, nassatanik allatseriikkanik isumannaallisaanikkut-illersugaasumut sumiiffimmut eqqunneqartinnagit isumannaallisaanermut nakkutilliisartut.
- 4) Inuit, usinik aamma allakanik timmersartumut usitut ikiorartinnagit isumannaallisaanermut nakkutilliillutik misissuisartut.
- 5) Inuit, timmisartukkut angallassinermut ingerlatseqatigiiffiit allagaataannik aamma atortussaataannik timmisartumut usitut ikiorartinnagit isumannaallisaanermut nakkutilliillutik misissuisartut.
- 6) Inuit, timmisartornerup nalaani pissamaatinik, isumannaallisaanikkut-illersugaasumut sumiiffimmut eqqunneqartinnagit isumannaallisaanermut nakkutilliillutik misissuisartut.
- 7) Inuit, mittarfimmut tunniussisassanik, isumannaallisaanikkut-illersugaasumut sumiiffimmut eqqunneqartinnagit, isumannaallisaanermut nakkutilliillutik misissuisartut.
- 8) Mittarfinni isumannaallisaanermut pisortat, taakku tullersortaat kiisalu mittarfimmi isumannaallisaanermut aqutsisoqatigiinnut ilaasortat.
- 9) Inuit mittarfiup isumannaallisaanermut ataatsimiititaliaasa ataatsimiinnerannut peqataasartut.
- 10) Inuit, isumannaallisaanermut pilersaarutininik isertukkanik takunnissinnaasut.

11) Timmisartortitseqatigiinni isumannaallisaanermut pisortat kiisalu taakku tullersortai.

12) Usinik assartuisartut isumannaallisaanermut akisussaasui, isumannaallisaanermut nakkutilliillutik misissuisartut.

13) Usinik allaanerusunik assartuisartunik isumannaallisaanermut akisussaasut, taakku paasissutissanik isertukkanik pisariaqartitsinertik malillugu takunnissinnaasut.

14) Pisiniarfigisartakkanik isumannaallisaanermut akuerineqarsimasunik isumannaallisaanermut akisussaasut.

*Imm. 2.* Inuit, silaannakkut angallannermut isumannaallisaaneq (security) pillugu, paasissutissanik isertukkanik takunnissinnaasussat, paasissutissat ISERTUKKATUT immikkoortiteriffigineqarsimasut pillugit suliarinnissinnaanissartik pillugu isumannaallisaanermut akuerineqartussaapput, imm. 1-imi allassimasutut atuuffinnilluunniit suliaqaraluarpata.

*Imm. 3.* Inuit, imm. 1 imaluunniit 2 malillugu isumannaallisaanermut akuerineqartussat, aammattaaq ID-mik aamma CV-mik nakkutilliiffigineqassapput, tak. § 4, imm. 3, aamma § 18, imm. 1.

*Imm. 4.* Inuit, imm. 1 imaluunniit 2 malillugu isumannaallisaanermut akuerineqartussat, atuuffinnik piffissami suliaqartussaataaffimminni imaluunniit silaannakkut angallannermut isumannaallisaanermut (security) tunngasunik paasissutissanik isertukkanik piffissami takunnissinnaatitaaffimminni isumannaallisaanermut akuersissuteqartussaapput.

*Imm. 5.* Inuit, imm. 1 imaluunniit 2 malillugu isumannaallisaanermut akuerineqartussat, § 14, imm. 1 malillugu aamma aalajangiiffigineqassanngillat.

*Imm. 6.* Inunnut, imm. 1 imaluunniit 2 malillugu isumannaallisaanermut akuerineqartussanut, NATO-mi imaluunniit EU-mi nunani ataatsimut soqutiginaatilinnik paasissutissanik isumannaallisaanermut illersuineq, aamma paasissutissat allat isertukkat kiisalu isumannaallisaanermut tunngatillugu illersuisoqarnissaanik soqutigisat pillugit kaajallaasitami nr. 10338, 17. december 2014-imeersumi §§ 12, 16, 17, 20-25-mi malittarisassat aalajangersakkat atuupput.

*Imm. 7.* Inuit, pisortani oqartussani imaluunniit Naviairimi atorfeqarnertik pissutigalugu, paasissutissanik ISERTUKKANIK imaluunniit paasissutissanik isertugaasussatut qaffasissusilinnik suliaqarnissaminnikt isumannaallisaanermut akuerineqarsimasut, nalunaarut una malillugu isumannaallisaanermut akuerineqassanngillat. Taamaattorli ID-mik aamma CV-mik nakkutilliineq inunnut taakkununga ingerlanneqartassaaq, tak. § 5, imm. 5.

*Sulisitsisup / mittarfiup / timmisartortitseqatigiit akisussaaffiat*

**§ 18.** Inunnut § 17, imm. 1 imaluunniit 2 malillugu isumannaallisaanermut akuerineqartussanut ID-mik aamma CV-mik naammaginatsumik inerneqartumik nakkutilliinermik ingerlanneqartussamut sulisitsisoq, mittarfik imaluunniit timmisartortitseqatigiit akisussaasuupput.

*Imm. 2.* Inuit, § 17, imm. 1 imaluunniit 2-p ataaniittut isumannaallisaanissamut akuerineqarnissaannut sulisitsisoq, mittarfik imaluunniit timmisartortitseqatigiit akisussaasuupput, inuit taakku

1) § 17, imm. 1-imi allassimasunik suliaqarpatata,

2) § 17, imm. 1-imi allassimasunik atuuffinnik suliaqarpatata,

3) § 17, imm. 1-imi allassimasunik atuuffinnik ilinniagaqartinneqarpata, imaluunniit

4) § 17, imm. 1, nr. 10, imaluunniit § 17, imm. 2-mi allassimasutut paasisutissanik isertukkanik takunnissinnaappata.

**§ 19.** Inunnut sulisitsisup, § 17, imm. 1 imaluunniit 2 malillugu isumannaallisaanikkut akuerineqartussat pillugit, isumannaallisaanermut akuersissuteqartarnermut inuk attaveqaat, toqqassavaa aamma taamanna pillugu Namminersorlutik Oqartussat nalunaarfigissallugit. Attaveqaat isumannaallisaanermut pisortaasinnaavoq imaluunniit isumannaallisaanermut akisussaasuusinnaalluni.

*Imm. 2.* Sulisitsisup isumannaallisaanermut akuersissuteqarnissamut qinnuteqaat Namminersorlutik Oqartussanut isumannaatsumik digitalimik allakkatigut nassiutissavaa uunga [sikker-an@nanog.gl](mailto:sikker-an@nanog.gl), inuup isumannaallisaanermut akuersissuteqarnissaa § 17, imm. 1 imaluunniit 2 malillugit piunasaqaataappat.

*Imm. 3.* Inunnut, § 20, imm. 1 malillugu isumannaallisaanermut akuersissutilinnut sulisitsisoq, inuk isumannaallisaanermut akuersissutilik atuuffimmi suliuunnaarsimappat imaluunniit silaannakkut angallannermut isumannaallisaanermut (security) paasisutissanik isertukkanik takunnissinnaanermunik pisariaqartitsiunnaarpat kingusinnerpaamik qaammat ataaseq qaangiutsinnagu Namminersorlutik Oqartussanut nalunaaruteqassaaq. Tamatuma kingorna isumannaallisaanermut akuersissut nalunaarutigineqarluni atorunnaarsinneqassaaq.

*Imm. 4.* Isumannaallisaanermut akuersissutip atorunnaarnissaanut kingusinnerpaamik qaammatit pingasut sioqqullugit, isumannaallisaanermut akuersissutip nutarternissaa pillugu Trafikstyrelsenimut qinnuteqaat sulisitsisup nassiutissavaa.

*Namminersorlutik Oqartussat suliamik suliarinnittarnerat*

**§ 20.** Namminersorlutik Oqartussat nalunaarut una malillugu isumannaallisaanermut akuersissutit pillugit qinnuteqaatit suliaralugillu akuersissutigisarpaat. Namminersorlutik Oqartussat isumannaallisaanermut akuersissutit pillugu aalajangiinissaminnut atugassaannik Politiit Isertortumik paasiniaasartui isumannaallisaanermut misissuissapput. Namminersorlutik Oqartussat isumannaallisaanermut akuersissut pillugu aalajangigassaat inuk pillugu paasisutissat pigineqartut tunngavigalugit aalajangerneqassaaq. Taamaalilluni pingaartinneqassaaq inuup pineqartup

1) ilumoortumik assortuussutaasinnaanngitsumik tatiginartuunermik takutitsisimanera aamma

2) inuk pineqartoq ima pissusilersortartoq aamma ima pissuseqartoq, matumani ileqqoqartoq, attaveqaateqartoq aamma malunnaarsaartuusoq, taamaalillunilu inuup taassuma silaannakkut angallannermut isumannaallisaanermi isertukkat paasisutissat suliaritillugit tatiginartuunera imaluunniit atuuffinnik isumannaallisaanermut akuersissuteqarnissamik piunasaqaateqartunik suliaqarnermini tatiginartuunera qularisassaangitsoq.

*Imm. 2.* Paasisutissat ISERTUKKATUT immikkoortinneqarsimasut suliarisarnissaannut isumannaallisaanermut akuersissut piffissap aalajangiiffiup nalaanit amerlanerpaanik ukiuni 10-ni atuuttarpoq.

*Imm. 3.* Namminersorlutik Oqartussat isumannaallisaanermut akuersissutip atorunnaarsinnissaanut aalajangiisinnaavoq tak. imm. 1, Namminersorlutik Oqartussat nalilerpassuk, inuk pineqartoq isumannaallisaanermut akuersissummik tunineqarsinnaajunaartoq.

*Imm. 4.* Namminersorlutik Oqartussat sulisitsisoq, mittarfik imaluunniit timmisartortitseqatigiit isumannaallisaanermut akuersissuteqarneq pillugu aalajangiinerup inerneranik ilisimatissavai, tak. imm. 1 aamma 3.

*Imm. 5.* Namminersorlutik Oqartussat inuit isumannaallisaanermut akuersissutigineqarsimasut pillugit nutarterneqartartumik allattorsimaffeqassapput. Allattorsimaffik inuk pineqartoq isertukkanik qanoq qaffasitsigisunik takunnissinnaasoq pillugu akuersissutigineqarsimasoq pillugu paasissutissanik imaqassaaq, kiisalu isumannaallisaanermut akuersissutit atulersinneqarnerannut ulloq aamma atuunneranut piffissaq allassimassallutik.

#### Kapitali 5

##### *Naammagittaalliorsinnaaneq*

**§ 21.** Midt- aamma Vestjyllandip Politiivini Politidirektørip § 14, imm. 1 aamma 2 malillugit aalajangiinera, Naalagaaffiup Politiivinut naammagittaalliuutigineqarsinnaavoq.

*Imm. 2.* Namminersorlutik Oqartussat § 20, imm. 1 aamma 3 malillugit isumannaallisaanermut akuersissut pillugu aalajangiinera transportministerimut imaluunniit aqutsinermi allaffissornikkut oqatussamut allamut naammagittaalliuutigineqarsinnaanngilaq

#### Kapitali 6

##### *Pillaaneq il.il.*

**§ 22.** Inatsit alla malillugu nammineq pisuussutigalugu qaffasinnerusumik pillaatissinneqartoqarsimanngippat, § 5, imm. 1-4, §§ 6-7 aamma § 18 malillugit unioqqutitsisoq akiliisitsummik pillaatissinneqassaaq.

*Imm. 2.* Inatsit alla malillugu nammineq pisuussutigalugu qaffasinnerusumik pillaatissinneqartoqarsimanngippat, taava silaannakkut angallannermut isumannaallisaaneq (security) pillugu paasissutissanik piaarinani ingerlatitseqqiisimasoq akiligassillugu pillatissinneqassaaq.

*Imm. 3.* Ingerlatseqatigiiffiit peqquneqarsinnaapput il.il. (ataatsimoortutut inatsiseqartitsinikkut nammineertut) pinerlunnerit pillugit inatsiseqartitsinikkut akisussaaffilerneqarsinnaapput Kalaallit Nunaanni pinerluttunik eqqartuussisarnermik inatsimmi kapitali 5-imi malittarisassat malillugit.

#### Kapitali 7

##### *Atortuulersitsineq aamma aalajangersakkat ikaarsaarutaasut*

**§ 23.** Nalunaarut ulloq 9. februar 2024-mi atortuulersinneqarpoq.

**§ 24.** Tunuliaqutanik nakkutilliinerit, ulloq 9. februar 2024 nallertinnagu ingerlanneqarsimasut, atorunnaarnissamik tungaannut imaluunniit kingusinnerpaamik ulloq 30. juni 2024-mut sulii atuutissapput, ulloq sorleq siulliunersoq apeqquaatillugu.

*Trafikstyrelsen, ulloq xxx*

Nanna Møller

/ Anders Windfeldt Jensen